

四庫全書

子部

欽定四庫全書

玉機微義卷四十七

明 徐用誠 原輯

劉 純 續增

厥門

內經論厥證所因

論曰陽氣衰於下則為寒厥陰氣衰於下則為熱厥人質壯以秋冬奪於所用下氣上爭不能復精氣溢下邪氣因從之而上也氣因於中由陽氣衰不能滲營其經

絡陽氣曰損陰氣獨在故手足為之寒厥也陰氣衰於下則為熱厥由醉飽入房內亡精氣中虛熱入腎氣曰衰陽盛陰虛故手足為之熱也陰氣盛於上則下虛下虛則腹脹滿腹滿則下氣重而邪氣逆逆則陽氣亂陽氣亂則令人暴不知人或至半日遠一日乃知人也名曰尸厥

按本論叙六經厥狀與六經厥逆甚詳宜玩本文大抵六經之厥陽證至為明仆為顛疾為妄見陰證至

為臍脹大小便不利或嘔或心痛之類皆素多痰氣
因虛所乘之為病也惟有輕重之殊爾如成無已註
傷寒論云厥者手足冷也四逆者四肢不溫也邪在三
陽則手足必熱傳到三陰則手足厥冷厥者逆也而
有陰陽之殊熱極而成厥逆者陽極似陰也寒極而
成厥逆者獨陰無陽也

論卒厥脈法

脈經曰脈至如喘名曰氣厥氣厥者不知與人言

金匱方論曰寸脈沈大而滑沈則為實滑則為氣實氣相搏血氣入臟唇口青身冷即死如身和汗自出為入腑即愈此為卒厥

按腑者為傳道出內之所其氣通故入腑即愈也

論諸厥證寒熱不同

陳無擇曰經論粗分六經殊不出寒熱二證所因欲求備治當歷明之寒厥則因多慾而奪其精故致陽衰陰盛熱厥則因醉飽入房精虛則熱入故致陰虛陽盛考

其厥因多以不勝乘其所勝氣不得行遂致厥逆如腎移寒於脾則水乘於土水既不行乃成寒厥如心移熱於腎則火乘於水火既不行乃成熱厥六經皆然可次第論也尸厥亦然正由臟氣相刑或與外邪相忤則氣遏不行閉於經絡諸脈匿伏昏不知人唯當隨其臟氣而通之寒則熱熱則寒閉則通經中以數醉為熱厥之因學者不可拘此蓋傷寒溫病皆有熱厥仲景所謂熱深厥深經意以酒能發百脈熱故舉此以為例耳寒厥

者初得之四肢冷脈沈微而不數多惡寒引衣自覆下利清穀外證多惺惺熱厥者初得之必發熱頭疼脈雖沈伏按之必數其人或畏熱喜冷揚手掉足煩躁不眠大小便秘赤外證多昏冒傷寒亦然

謹按寒熱發厥固宜隨其陰陽勝負為治如其厥逆者不外乎傷寒寒熱二證求陰陽厥逆之淺深餘寒熱厥證是沈寒積熱發厥至若陰陽竭閉尸厥卒厥又非已上寒熱厥證之比也陳論雖稍闕其厥何治

例殊未少具爾

論寒熱厥證宜吐下

子和曰 云云

謹按厥證寒熱亦有陰陽虛實不同如形氣稍實者
宜從子和之法吐下之虛甚者惟宜隨其所因而調
理之可也陳氏論臟氣相刑或與外邪相忤氣遏不
行閉經絡脈伏昏不知人至為尸厥今世俗多作風
治鮮不致斃如傳引華陀治虢太子尸厥為陽脈下

墜陰脈上爭會氣閉而不通上有絕陽之絡下有破陰之紐破陰絕陽之色已發脈亂故形靜如死狀此與經言陰陽之氣盛衰為厥之旨甚微後人安能得證治之彷彿乎而以陰陽證治之可驗者較之若傷寒手足厥逆昏不知人邪正已極溫下之間稍或遲緩禍不旋踵或汗不解暴衄不知人而厥或雜病得吐衄血而厥不知人者一二日或三日必間間則為愈矣蓋陰氣尚實必身不熱熱則不厥厥則為血溫

身熱主死矣暴氣厥而形實者七情所致痰飲內鬱而厥必半日或一二時必間形虛而氣逆甚者多致不救此又可見氣血為厥陰陽暴逆之甚也故不可斷作風治

厥證治法

通關竅之劑

蘇合香丸治卒暴厥不知人未辯風痰氣厥宜與此膏化濃湯灌之惺後却議脈證用藥

吐劑

瓜蒂散

方見痰飲門口噤者或先用搐鼻藥

升發之劑

三因追魂湯治卒厥暴死及主客忤鬼擊飛尸氣絕不覺口噤

麻黃湯 方見寒門

右吹咀水煎灌之不下者分病人髮左右捉搦按肩

引之令服取效千金方加桂

按此治感中邪氣之劑也

治寒之劑

四逆湯治寒厥表熱裏寒下利清穀食入則吐脈沈伏手足冷

方見寒門

按此治寒熱之劑並出寒暑例然內因氣血之劑詳見各門宜對證選用茲不詳錄

治熱之劑

白虎湯治熱厥腹滿身重難以轉側面垢譫語遺溺手足厥冷自汗脈沈滑方見暑門

玉機微義卷四十七

欽定四庫全書

玉機微義卷四十八

明 徐用誠 原輯

劉 純 續增

痺證門

內經叙痺

經曰風寒濕三氣雜至合而為痺其風氣勝者為行痺
寒氣勝者為痛痺濕氣勝者為著痺以冬遇此為骨痺
以夏遇此為筋痺以夏遇此為脈痺以至陰遇此為肌

痺以秋遇此為皮痺

按本論備五臟等痺甚詳宜玩本文

脈法

脈經曰脈澁而緊痺病

論痺證所因不同

陳無擇曰雖三氣合痺其用不同三氣襲人經絡入於筋脈皮肉肌骨久而不已則入五臟煩滿喘而嘔者是痺客於肺煩心上氣噎乾恐噫厥脹滿者是痺客於心

多飲數小便小腹痛如懷妊夜卧則驚者是痺客於肝
善脹尻以代腫脊以代頭者是痺客於腎四肢懈墮發
欬嘔沫上為大寒者是痺客於脾又有腸痺胞痺及六
腑各有俞風寒濕所中治之隨其腑俞以施針灸之法
仍服逐三氣發散等藥則病自愈大抵痺之為病寒多
則痛風多則行濕多則著在骨則重而不舉在脈則血
凝不流在筋則屈而不伸在肉則不仁在脾則寒逢寒
則急逢熱則縱又有血痺以類相從外有支飲作痺

謹按痺之為證有筋攣不伸肌肉不仁者與風證絕相似故世俗多類於風痿痺證通治此千古之弊也徐先生已於卷首分出痿證一門大抵固當分其所因風則陽受之痺感風寒濕之氣則陰受之為病多重痛沈著患者難易得去如錢仲陽為宋之一代明醫自患周痺止能移於手足為之偏廢不能盡去可見其為難治也況今世俗多類於風證通治宜乎不能得其病情也

論痺因虛所致

嚴氏曰痺證因體虛腠理空疎受之而成逢寒則急逢熱則縱隨所受邪氣而生證也診其脈大而濇為痺脈來急亦為痺脈濇而緊者亦為痺又有風血痺陰邪入於血經故也

謹按人感三氣為痺者正因形虛血虛爾但有在肌皮血脈淺深之異故入臟者死雖陳氏具經論頗詳而其方未能以盡其變學者自宜充擴也

痺證治法

溫經勝濕之劑

三因附子湯治風寒濕痺骨節疼痛皮膚不仁肌肉重著四肢緩縱

附子

生

白芍

桂心

甘草

白茯苓

人參各三分

白朮一兩

右㕮咀每服四錢水煎服

按此太陽例藥溫中解表之劑

疎風養血之劑

三因黃芪五物湯治人骨弱肌重因疲勞汗出卧不時
動搖加以微風遂作血痺脈當陰陽俱微尺中少緊
身體如風痺狀

黃芪

芍藥

桂心 等分

右㕮咀每服四五錢入薑棗煎

嚴氏蠲痺湯治身體煩疼項背拘急或痛或重舉動艱
難手足冷痺腰腿沈重筋脈無力

當歸

芍藥

黃芪

片子薑黃

羌活

各一兩半

甘草

炙半兩

右㕮咀每服四五錢入薑棗煎

黃芪酒治風濕痺身體頑麻皮膚瘙癢筋脈攣急言語
蹇澁手足不遂時覺不仁

黃芪

防風

桂

天麻

草薢

石斛

虎骨

炙

白芍

當歸

雲母粉

白朮

茵芋葉

木香

仙靈脾

甘草

川續斷

右剉如麻豆大以生絹袋盛好酒一斗浸之春五夏
三秋七冬十日每服一盞溫服之不拘時

防風湯治血痺皮膚不仁

防風

二兩

川獨活

川當歸

赤茯苓

秦艽

赤芍

黃芩

各一兩

桂心

杏仁

甘草

炙各半兩

右咬咀每四五錢入薑煎

獨活寄生湯治肝腎虛弱感風濕致痺兩脛緩縱痺弱
不仁

方見脚氣門

謹按已上方多太陽例藥也大抵痺證有兼風兼濕
寒熱獨勝腑臟所受不同用者自宜擴充然此證因
虛而感既著體不去須製對證藥日夜飲之雖留連
不愈能守病禁不令入臟庶可扶持也如錢仲陽取
茯苓其大逾斗者以法噉之閱月乃盡由此雖偏廢

而氣骨堅悍如無疾者壽八十二而終惜乎其方無傳

治痰飲之劑

茯苓湯治支飲手足麻痺多唾眩冒

半夏

赤茯苓

橘紅

各一兩

枳實

桔梗

甘草

各半兩

右以咀每服四五錢入薑七片水煎

按此言支飲能為痺證即飲能為脚氣證是也大抵

因虛而傳注邪客日久榮衛壅鬱多致濕熱經緩不能自收持如逢熱則縱也已上方未能盡其例用者自宜通變也

玉機微義卷四十八

欽定四庫全書

玉機微義卷四十九

明 徐用誠 原輯

劉 純 續增

婦人門

論經閉不行

內經陰陽別論云二陽之病發心脾有不得隱曲女子
不月其傳為風消為息賁者死不治東垣曰婦人脾胃
久虛或形羸氣血俱衰而致經水斷絕不行或病中消

胃熱善食漸瘦津液不生夫經者血脉津液所化津液既絕為熱所燍肌肉消瘦時見渴躁血海枯竭病名曰血枯經絕宜瀉胃之燥熱補益氣血經自行矣此證或經適行而有子子不安為胎病者有矣或心包脉洪數燥作時見大便秘澀小便雖清不利而經水閉絕不行此乃血海乾枯宜調血脉除已絡中火邪而經自行矣內經所謂小腸移熱於大腸為瘕瘕為沉月澀不利則月事沈滯而不利故云為瘕瘕為沈也或因勞心心火

上行月事不來安心補血瀉火經自行矣故內經云月
事不來者胞脈閉也胞脈者屬心而絡於胞中令氣上
迫肺心氣不得下故月事不來也曾治驗裴澤之夫人
病寒熱而月事不至者數年矣已加喘嗽醫者率以蛤
蚧桂附等投之曰不然夫人病陰為陽所搏溫劑太過
故無益而反害投以涼血和血之藥則經行矣已而果
然

要略曰婦人之病因虛積冷結氣為證經水斷絕至有

歷年血寒積結胞門寒傷經絡凝堅在上嘔吐涎唾久
成肺癰形體損分在中盤結繞臍寒疝或兩脇疼痛與
臟相連或結熱中痛在關元脈數無瘡經候不勻冷陰
掣痛少腹惡寒或引腰脊下根氣街

云云

謹按良方婦人月水不通由勞傷血氣致令體虛
受風寒邪氣客於胞內損衝任之脈并手太陽少陰
二經致胞絡內血絕不通如已上病機皆略之不議
且血病經閉又豈止手太陽少陰二經耶然亦有不

因寒熱或痰飲積聚疝瘕所致如七情所動其為氣
病血從一也況陰道常虛不足者實多宜翫血證門
血屬陰難成易虧論及後丹溪先生等說

論經水不調或紫或黑

丹溪曰經水者陰血也陰必從陽故其色紅稟火色也
血為氣之配氣熱則熱氣寒則寒氣升則升氣降則降
氣起則凝氣滯則滯氣清則清氣濁則濁上應於月其
行有常名之曰經為氣之配因氣而行成塊者氣之凝

也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也令人但見其紫者黑者作痛者成塊者率指為風冷乘之而行溫熱之劑禍不旋踵矣良由病源論月水之病皆曰風冷乘之宜其相習而成俗也或曰黑者北方水之色也紫者黑之漸也非冷而何予曰經云亢則害承乃制熱甚者必兼水化所以熱則紫甚則黑也况婦人性執而鄙嗜欲加倍臟腑

厥陽之火無日不起非熱而何若曰風冷必須外得設或有之吾恐千百而一二也

按此論經病甚詳大抵不得率指為風冷所乘者此由良方所言世俗往往因之誤人故戒慎之也然冷證外邪初感入經必痛或不痛者久則鬱而變熱矣且寒則凝既行而紫黑故非寒也

論經漏不止

內經陰陽別論云陰虛陽搏謂之崩東垣曰婦人脾胃

虛損致命門脈沈細而數疾或沈弦而洪大有力寸關脈亦然皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脈必弦細寒作於中中有赤帶者其脈洪數疾熱明矣必腰痛或臍下痛臨經欲行先見寒熱往來兩脇急縮兼脾胃證出見或四肢困熱心煩不得眠卧心下急宜大補脾胃而升舉血氣可一服而愈或人故貴脫勢人事疎少或先富後貧心氣不足其火大熾旺於血脈之

中又致脾胃飲食失節火乘其中形質肌肉容顏似不
病者此心病者不行於診故脾胃飲食不調其證顯矣
而經水不時而下或適來適斷暴下不止治當先說惡
死之言勸諭令拒死而心不動以大補氣血之藥舉養
脾胃微加鎮墜心火之藥治其心補陰瀉陽經自止矣
痿論云悲哀太甚則胞絡絕則陽氣內動發則心下崩
數洩血也故本病曰大經空虛發則肌痺傳為脈痿此
之謂也

良方論曰婦人崩中由臟腑傷損衝任血氣俱虛故也
衝任為經脈之海血氣之行外循經絡內榮臟腑若無
傷損則陰陽和平而氣血調適若勞動過多致臟腑俱
傷而衝任之氣虛不能約制其經血故忽然暴下或由
陰陽相搏為熱所乘攻傷衝任血得熱則流散甚者至
於昏悶其脈數疾小為順大甚者逆

按此備言經脈致病之因本於臟腑傷損合前東垣
所論極言因熱因虛或悲哀七情等所致病機殆無

餘蘊矣

脈法

脈經曰尺脈滑血氣實婦人經脈不利 少陰脈弱而
微微則少血少陰脈滑而數者陰中則生瘡 寸口脈
浮而弱浮則為虛弱則無血 脈來至狀如琴弦若少
腹痛主月水不利孔竅生瘡 肝弦沈主月水不利腰
腹痛 尺脈來而斷絕者月水不利 寸關調如故而
尺脈絕不至者月水不利當患小腹引腰痛氣滯上攻

胸臆也 經不通繞臍寒疝痛其脉沈緊此由寒氣客於血室血凝不行結積血為氣所衝新血與故血相搏故痛 漏血下赤白脉遲者脉小虛滑者生急疾者大緊實數者死 暴崩下血寸口脉微遲尺脉微弦微遲為寒在上焦但吐爾今尺脉微弦如此即小腹痛引腰脊痛者必下血也 寸口弦而大弦則為減大則為亢減則為寒亢則為虛寒虛相搏脉則為革婦人則半產漏下 尺脉急而弦大風邪入少陰之經女子漏自下

赤漏下赤白曰下血數斗脈急疾者死遲者生尺
寸脈虛者漏血漏血脈浮不可治也

論赤白帶下

機要云赤者熱入小腸白者熱入大腸其本實熱冤結
於脈不散故為赤白帶下也冤屈也結也屈滯而病熱
不散先以十棗湯下之後服苦練丸大玄胡散調下之
熱去濕除病自除也

按此止是論有餘之證也論見下

良方論云帶下起於風氣寒熱之所傷或產後早起不避風邪風邪之氣入於胞門或中經脈流轉臟腑而發下血名為帶下若傷足厥陰肝之經其色青如泥傷手少陰心之經其色赤如紅津傷手太陰肺之經其色白形如涕傷足太陰脾之經則其色黃如爛瓜傷足少陰腎之經則色黑如衄血此其因也

按此言風氣寒熱之所傷諸臟致證似言外邪大抵此證多有本於陰虛陽竭榮氣不升經脈凝泣衛氣

下陷精氣累滯於下焦奇經之分蘊積而成其病或
醉飽房勞服食燥劑所致也白物如涕之狀故言帶
者亦病形也經云帶脈為病而得名而白者屬氣赤
屬血東垣舉脈訣云崩中日久為白帶漏下多時骨
木枯言崩中者始病血崩久則血少復亡其陽故白
滑之物下流不止此可見未得全拘於帶脈矣詳病
亦有濕痰流注於下焦或腎肝陰淫之濕勝或因驚
恐而木乘土位濁液下流或思慕為筋痿內經所謂

二陽之證發心脾是也或餘經濕熱屈滯於少腹小腹之下而病本殊則皆為氣血虛損榮衛之精氣累滯而成其病標一也前人立論殆盡病機則治法無定若戴人以帶下得兩手脈俱滑大而有力乃上用宣去痰飲下以導水丸泄濕熱繼以淡劑滲之此為瀉實也如其諸脈微細或沈緊而澁按之空虛或洪大而澁按之無力正為元氣不足陰虛筋痿虛極中寒等證東垣有補陽調經固真等例乃兼責虛也丹

溪先生治因濕痰下注用海石南星椿根皮之類較之前人下之而復吐以提其氣或發中兼補補中兼利燥中兼升發潤中益氣溫而兼收澀之例不同蓋病機有輕重淺深之異爾

論師尼寡婦異乎妻妾之治

寶鑑曰宋褚澄療師尼寡婦別製方蓋有為也此二種寡居獨陰無陽慾心萌而多不遂是以陰陽交爭乍寒乍熱全類溫瘧久則為勞史記倉公傳載濟北王侍人

韓女病腰背痛寒熱衆醫多以為寒熱倉公曰病得之
欲男子不可得也何以知診得其脈肝脈弦出寸口是
以知之蓋男子以精為主婦人以血為主男子精盛以
思室女人血盛以懷胎也如厥陰脈弦出寸口又上魚
際則陰盛可知故知褚氏之言有謂矣

論胎產諸證

病機機要云治胎產之病從厥陰經論之無犯胃氣及
上二焦為之三禁不可汗不可下不可利小便發汗者

同傷寒下早之證利大便則脈數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣如發渴而白虎氣弱則黃芪血刺痛而用當歸腹中痛而加之芍藥大抵產病天行從增損柴胡雜證從增損四物宜詳察脈證而用之

謹按已上云胎產禁例大抵主於元氣本病為要至於病體所因不同學者又必當處於權變也且胎前之證良方悉具但每證治例殊少如胎漏胎痛子煩

子腫等證出方皆是治本病之例設所因不同或有
所兼之證如胎漏下血亦有氣虛血熱腹痛亦有濕
熱者或形志苦樂不一七情所動氣動血病胎氣即
損雖治例未能以盡其變然欲學者臨證自推充而
行之爾今於諸證未能一一悉具聊以證治數例附
于後云

胎自墮論

丹溪曰陽施陰化胎孕乃成血氣虛之不足榮養其胎

則隨譬如枝枯則果落藤痿則花墜又有勞恐傷情內
火便動亦能墮胎譬如風撼其木人折其枝也火能消
物造化自然病源乃謂風冷傷於子臟而隨此未得病
情者也予見賈氏婦但有孕至三箇月左右必墮診其
脈左手大而無力重則濇知其血虛也以其壯年只補
中氣使血自榮時正初夏教以濃煎白朮湯下黃芩末
一錢與數十貼得保全而生因而思之隨於內熱而虛
者於理為多曰熱曰虛蓋孕至三月上屬相火所以易

隋不然何以黃芩熟艾阿膠等為安胎妙藥耶

難產論

丹溪曰世之難產者往往見於鬱悶安佚之人富貴奉養之家若貧賤者鮮有之古方止有瘦胎飲一論而其方為湖陽公主作也恐非至到之言蓋用之者其難自若予族妹苦於難產遇胎則觸而去之予甚憫焉視其形肥而勤於女工知其氣虛久坐氣不運而愈弱兒在胞胎因母氣虛不能自運耳當補其母之氣則兒健易

產令其有孕至五六月來告遂於大全良方紫蘇飲加
補氣藥與之數十貼因得男甚快因以此方隨母之性
稟與時令加減服者無不應用臨蓐時腹不覺痛產母
亦無病因名方曰達生散云

論局方胎產用藥之誤

丹溪曰或問婦人一門無非經候胎產用藥溫熱於理
頗通吾子其妄言乎予曰婦人以血為主血屬陰易於
虧欠非善於調攝者不能保全也餘方是否若神仙聚

寶丹則有不能忘言者其方治血海虛寒虛熱盜汗理
宜補養琥珀之燥麝香之散可以用乎面色痿黃肢體
浮腫理宜導濕乳香沒藥自可治血可以用乎胎前產
後虛實不同逐敗養新政補雜病積塊堅癥赤白崩漏
宜於彼者必妨於此而欲以一方通治乎世人以其品
貴名雅又喜其常服可以安神去邪令人有子殊不知
積溫成熱香竄散氣服者無不被禍自非五臟能言醫
者終不知覺及至變生他證悖理肉汁發陰經之火易

成內傷之病先哲具有訓戒或以羊雞濃汁作糜而又常服當歸丸當歸建中湯四聖理中丸雖是滋補悉犯桂附乾薑僭熱之劑臟腑無寒何處消受若夫兒之初生母腹頓寬便啖雞子且喫火鹽不思雞子難化火鹽發熱展轉為病醫者不識委指他病率爾用藥寧不誤人予每見產婦之無疾者必教以却去黑神散與夫雞子火鹽諸般肉食且與白粥將理間以此小石首鱖魚令甘淡食之至半月以後與少肉雖雞子亦須豁開煮

之大能養胃却痰彼當富貴之家驕恣之婦率有白帶
頭風氣痛膈滿痰逆口乾經事不調髮脫體熱皆是陽
勝陰虛之病天生血氣本自和平日勝日虛又焉知此
等謬妄有以啓之耶

論婦人服熱劑求子之誤

丹溪曰無子之因多起於父氣之不足豈可獨歸罪於
母血之虛寒況母之血病矣止虛與寒而已哉然古方
治婦人無子惟秦桂丸一方其性熱其辭確今之欲得

子者率皆服之無疑夫求子於陰血何至輕用熱劑耶
或曰春氣溫和則物生冬氣寒凜則物消不假熱劑何
由子臟得煖而成胎予曰詩言婦人和平則樂有子和
則血氣不爭平則陰陽不乖今得此丸經血必轉紫黑
漸成衰少或先或後始則飲食驟進久則口苦舌乾陰
陽不平血氣不和焉能成胎縱使有成子亦多病以其
能損真陰也鄭憲史子生七箇月得淋

云云見淋關門

謹按婦人無子多因經血不調或陰虛血少積聚痰

氣嗜慾等致種種不同矣止虛與寒而已然經寒者亦有之但不可例為常法爾是以先生論此戒後人不得病機之的者斯藥勿妄行也況無子之因亦豈止於婦室者如東垣云李和叔問中年以來得一子至一歲之後身生紅絲瘤不救後三四子至一二歲皆病瘤而死何緣至此疾翌日思之謂曰汝乃腎中伏火精氣中多有紅絲以氣相傳生子故有此疾俗名胎瘤是也汝試視之果如其言遂以滋腎丸數服

以瀉腎中火邪補真陰不足忌酒辛熱之物其妻與
六味地黄丸以養陰血受胎五月之後以黃芩白朮
二味作散啖五七服後生子至三歲前證不復作今
已年壯噫合觀先生已上所論則其旨深矣

婦人治法

調經之劑

局方四物湯治衝任虛損月水不調臍腹疼痛

當歸

川芎

白芍藥

熟地黄

各等分

右呖咀每半兩水煎服

按此手足太陰厥陰藥也

逍遙散治血虛煩熱月水不調臍腹脹痛痰嗽潮熱

甘草

炙半兩

當歸

茯苓

白芍

白朮

柴胡

各一兩

右呖咀每半兩入薑薄荷葉煎服

按此足三陽三陰藥也散血中濕熱之劑

膠艾湯治勞傷血氣衝任虛損月水過多淋漓不斷

阿膠

炒

川芎

甘草

炙各二兩

當歸

艾葉

炒各三兩

熟地黃

白芍

各四兩

右㕮咀每半兩水煎

按此溫經補血之藥也厥陰例

良方溫經湯治婦人血海虛寒月水不利

當歸

川芎

芍藥

桂心

牡丹皮

莪朮

各半兩

人參

甘草

牛膝

各一兩

右呖咀每五錢水煎服

薑黃散治血臟久冷月水不調臍腹刺痛

當歸

牡丹皮

延胡

各二兩

芍藥

三兩

川芎

紅花

桂心

莪朮

各一兩

川薑黃

四兩

右為末每一錢水煎服酒同煎

按此二方通經之劑破血之藥非止於溫經也臟冷氣血滯者可用姑存之

加減四物湯

經候微少漸漸不通手足煩疼漸瘦生潮熱脈微數
本方去地黃川芎加澤蘭葉三倍甘草半分
經候過多本方去熟地黃加生地黃

經行身熱脈數頭昏本方加柴胡黃芩各半兩
經行微少或脹或疼四肢疼痛加延胡沒藥白芷與

本方等淡醋湯調下末子

經候不調心腹疼痛只用芎歸二味名君臣散

鹿茸丸治衝任虛損又為風寒所乘尺脈微小甚者可

灸關元穴

鹿茸

炙

赤石脂

禹餘糧

各一兩

續斷

二兩

栝葉

附子

炮

熟地黄

當歸

酒浸

艾葉

右為末酒糊丸梧子大每五十九空心溫酒下

按此足少陰厥陰藥也今人多用之故收入治血虛
濕勝帶下甚捷

元戎加味四物湯

氣充經脈故月事頻併臍下多痛本方加芍藥

經欲行臍腹絞痛本方加玄胡檳榔苦楝木香

經水過多本方加黃芩白朮

經水澁少本方加葵花紅花

經水適來適斷或有往來寒熱宜先服小柴胡去寒

熱後以物湯和之

丹溪加味四物湯

經候過而作疼血氣俱虛也宜本方對四君子湯服之

經候將來作痛者血實也本方加桃仁黃連香附
經水不及期血熱也本方加黃連

過期血少也本方加參朮帶痰加半夏陳皮

過期紫黑有塊者血熱也必作痛本方加香附黃連

過期而淡色者痰多也芎歸二味合二陳湯服

紫色成塊者熱也本方加黃連紫胡

肥人不及日數而多痰者多血虛有熱本方加香附
南星半夏黃連白朮

瘦人血枯經閉者本方加桃仁紅花或越鞠丸
血門 方見

簡易當歸散治經候不勻或三四月不行或一月再至
或婦人天癸過期經脈不調

當歸

川芎

白芍

黃芩

白朮

各半兩

山茱萸肉

一兩半

右為末每二錢空心溫酒調下日三次

按此足厥陰少陰藥也

寶鑑生地黃丸治婦人血實厥陰脈弦而長病惡風體倦乍寒乍熱面赤心忪或時自汗如傷寒狀宜服抑陰藥

生地黃

柴胡

秦艽

黃芩

各半

兩

芍藥 一兩

右末蜜丸梧子大每三十九丸烏梅湯吞下日三次

按此手足少陰太陰足太陽藥也

謹按已上諸方皆調理法也然血分成水氣腸覃等證詳見各門茲不備錄大抵經病實者破之結者散之虛者補之要在適事為故也

理氣之劑

澹寮煮附丸治經候不調血氣刺痛腹脇膨脹頭暈惡

心崩漏帶下並宜服之

香附子

搯其皮不以多少米醋浸一日用瓦鉏煮

冷醋盡

右醋糊為丸梧子大日乾每五十丸淡醋湯下

一方香附一斤艾葉四兩當歸二兩製同名艾附丸

嚴氏抑氣散治婦人氣盛於血發生諸證頭暈膈滿

香附

四兩

茯苓

甘草

炙各一兩

陳皮

二兩

右為末每二錢食前沸湯調下

按此方主於氣煮附丸則氣中之血藥也然氣鬱甚者宜於氣證門選用不必拘此

東垣益胃升陽湯治婦人經候不調或血脫後脈弱食少水泄日三二行

黃芪 二錢

人參

甘草 炙

當歸身

陳皮 各一錢

白朮 三錢

升麻

柴胡 各半錢

炒麴 一錢半

黃芩 半錢秋去之

右呔咀每半兩水煎腹痛加芍藥

補中益氣湯治婦人室女經候不調脈微食少體倦或熱

方見熱門

按此二方氣血之藥血脫益氣之大法也

紺珠正氣天香湯治婦人一切氣氣上湊心心胃攻築脇肋刺痛月水不調

台烏藥 二錢 香附子 八錢 陳皮

蘇葉

各一錢

乾薑

半錢

右呖咀每七八錢水煎服

謹按婦人經病多有因於七情六鬱致者故集已上例以備其義大抵氣行不失其常則經血亦行也

通經之劑

良方通經丸治婦人室女經候不通臍腹疼痛或成血瘕

川椒

炒

蓬朮

乾漆

炒

當歸

一錢半

青皮

乾薑

大黃

桃仁

炒

川烏

桂心

各一錢

右為末將一半用米醋熬成膏和餘藥成劑白中杵之丸如梧子大陰乾每三五十丸醋湯下

嚴氏方無川烏有紅花

加味四物湯

嚴氏名六合湯

治婦室經事不行腹中結

塊疼痛腰痛

本方加桂蓬朮

各等分

右呔咀每四錢水煎服

紅花當歸散治婦人血臟虛竭或積瘀血經候不行時
作腹痛腰膀重疼小腹堅硬及室女經不通

紅花

當歸尾

紫葳

牛膝

甘草

蘇木 剉各三兩

白芷

桂心 各一兩半

赤芍 九兩

劉寄奴 五兩

右為細末空心熱酒調三錢一名凌霄花散

桂枝桃仁湯治經不通繞臍寒疝痛其脈沈緊此由寒客於血室血凝不行

桂枝

芍藥

生地黄

各二兩

桃仁

五十箇

甘草

一兩

右為粗末每服五錢水煎入薑棗

地黄通經丸治經不行結積成塊臍下如覆杯

熟地黄

三兩

蛭虫

去頭足炒

水蛭

糯米炒

桃仁

各五十箇

右為細末煉蜜丸如梧子大空心溫酒下五丸未知
加至七丸

嚴氏琥珀散治婦人室女月事凝滯腹脇脹痛及血逆
攻心眩暈不省

劉寄奴

牡丹皮

熟地黄

玄胡索

烏藥

赤芍

義術

三稜

當歸

桂心

各一兩

右用前五味用烏豆一升生薑半斤切片米醋四升

同煮豆爛為度焙乾入後五味同為細末每服二錢
用溫酒調服空心食前

戴人玉燭散治經候不通腹脹或痛

四物湯對調胃承氣湯

右咬咀水煎服

按已上諸方並出厥陰例藥也然有本於氣虛氣鬱
血虛痰積等因不同宜於前調經理氣諸方內選用
治崩漏之劑

生地黃散治經漏下血脈虛洪經水紫黑

方見血證門

簡易黃芩湯治崩中下血陽乘陰經水沸溢

黃芩 不以多少

右為末每一二錢燒秤鎚淬酒調下

按此二方治熱之劑也

一法用此味治天癸當住每月却行或過多不止出

瑞竹堂方名芩心丸

伏龍肝散治氣血勞傷衝任經虛血非時崩下臍腹冷
痛脈遲弱食少或赤白帶下

伏龍肝

赤石脂

麥門冬

各一兩

甘草

炙半兩

川芎

三兩

當歸

乾薑

七錢半

桂

半兩

艾葉

三兩

熟地黄

二兩

右件為粗末每四錢入棗煎

按此治寒例藥補血固虛之劑也

備金散治婦室血崩不止

香附子

四兩炒

當歸尾

一兩二錢

五靈脂

一兩炒

右為末每五錢淡醋湯調空心食前服一方只用香

附一味

澹寮茯苓補心湯治婦人亡血過多或氣逆心悶

四物湯

一分半

參蘇飲

三分

右呔咀入薑煎

按已上方理氣補榮之劑也

良方縮砂散治血崩

新縮砂不以多少瓦上炒香為細末米飲調下三錢

五靈脂散治血山崩不止

靈脂十兩水煎去滓澄清再煎成膏入神麴二兩和丸如梧子大每三二十九溫酒下

荊芥散治崩中不止

用此一味於麻油燈上燒焦為末每三錢童便調下

瑞竹堂方蒲黃散治崩中不能止

破故紙

蒲黃

千古石灰

各等分炒過

右為末每二三錢淡酒或淡醋湯調下

按已上諸方皆劫劑也

東垣升麻除濕湯治婦人女子漏下惡血月事不調或暴崩不止多下水漿之物皆由飲食失節或勞傷形

體或素有心氣不足因飲食勞倦致令心火乘脾其脈緩而弦急按之洪大皆脾土受邪也

柴胡

羌活

蒼朮

黃芪

各一錢半

防風

甘草

炙

升麻

藁本

各一錢

蔓荊子

七分

獨活

當歸

各半錢

右㕮咀作一服水煎食前服

涼血地黃湯治婦人血崩是腎水陰虛不能鎮守胞絡

相火故血走而崩也

生地黃

半錢

黃連

羌活

柴胡

防風

各二分

黃柏

知母

升麻

藁本

細辛

川芎

各二分

甘草

一錢

荊芥穗

蔓荊子

黃芩

各一分

當歸

半錢

紅花

少許

右㕮咀作一服水煎

按已上二方升劑也經漏不止氣血下陷非此不能

治

當歸芍藥湯治婦人經脈漏下不止其色鮮紅或先因勞役脾胃虛損氣短氣逆自汗不止身熱食懶大便或泄體倦無力

黃芪

一錢半

白朮

蒼朮

當歸身

白芍

各一錢

熟地黄

半錢

甘草

炙

生地黄

各三分

陳皮

半錢

柴胡

二分

右以咀作一服水煎

按此補劑也

治帶下之劑

千金方治帶下脈數者

枸杞根

一兩

生地黃

五兩

右二味酒煮一升至三合作一服

按此治熱例藥也

元戎六合湯治婦人赤白帶下脈沈微腹痛或陰中痛

四物湯

四兩

桂

附子

炒五錢

右呖咀每五錢水煎食前服

按此治寒之劑也

宣明導水丸治濕熱鬱於下焦之分赤白帶下不止躁

熱煩渴

方見濕門

按此治濕熱之藥下劑也

嚴氏當歸煎丸治赤白帶下腹內疼痛不飲食羸瘦

當歸

赤芍

炒

牡蠣

煅

熟地黄

阿膠

炒

白芍

炒

續斷

酒浸各一兩

地榆

五錢

右為末醋糊丸梧子大每五十丸空心米飲下

按此治血虛之劑潤燥藥也

良方白芷散治赤白帶下

白芷

一兩

海螵蛸

二箇燒

胎髮

一團煨

右為細末空心溫酒調下二錢

伏龍肝散治婦人赤白帶下久患不差肌瘦黃瘁多困

乏力

棕櫚

不以多少燒灰火然急以盆蓋蔭

伏龍肝

於鍋竈直下取炒令烟盡

屋梁上塵

懸長者如無竈頭虛空中有炒令烟盡

右三味等分碾和令停入龍腦麝香各少許每服二錢溫酒調下淡醋湯亦可患十年者半月可安

按已上方皆劫劑也

益母草散治赤白惡露下不止

益母草開花時採陰乾為細末空心溫酒調二錢

日三服

東垣固真丸治白帶久不止臍腹冷痛陰中亦然

白石脂

一錢大燒赤

乾薑

炮四錢

黃栢

酒製

白芍

各一錢

白龍骨

二錢

柴胡

一錢

當歸身

二錢

右除石脂龍骨另研外同為細末水煮糊丸如桐子
大每十丸食前煎水下

按此寒熱之劑又止瀉藥也

桂附湯治白帶腥臭多悲不樂大寒

肉桂一錢

附子三錢

黃柏

知母

甘草炙

升麻各半錢

黃芪一錢半人參七分

右咬咀作一服水煎食前服

按此補陽氣極虛用黃柏等為引用又升降陰陽藥也

補經固真湯治白帶下流不止始病崩中日久血少復

亡其陽故白滑之物不止也

柴胡

甘草

郁李仁

研

黃芩

各一錢

乾薑

二錢

橘皮

半錢

人參

二錢

白葵花

去萼一朵

右呖咀水煎空心服

按此補例藥也

衛生湯治帶下不止脈微弱腹痛

白芍

炒

當歸

各二兩

黃芪

三兩

甘草

一兩

右呖咀或末每五錢水煎空心服下苦楝丸三十粒
按此補血之劑也

苦楝丸治赤白帶下

苦楝

碎酒浸

茴香

炒

當歸

各等分

右為末酒糊丸桐子大每五十丸空心酒下

按此謂邪入小腸故用此燥丙藥也

酒煮當歸丸治癰疽白帶下注脚氣腰已下如在冰雪
中以火焙乾厚衣蓋其上猶寒冷不任寒之極者面

白如枯魚之象肌肉瘦削小便不止與白帶常流不
禁病甚者

當歸

一兩

茴香

半兩

良薑

附子

炮各七錢

已上四味咬咀以好酒一升半煮至乾再焙乾

炒黃鹽

全蠍

各三錢

丁香

苦楝

甘草

炙各半錢

柴胡

二錢

升麻

木香

各一錢

玄胡索

四錢

右與前同為細末酒煮糊為丸如梧子大每五七十
九空心淡醋湯下忌酒濕麪油膩物

按此升陽勝濕之劑氣血藥也

升陽燥濕湯治白帶下陰戶痛控心急痛身黃皮緩身
重如山陰中如水

防風

良薑

乾薑

郁李仁

甘草

各一錢
柴胡一錢三分

橘皮

黃芩

各半錢
白葵花七朵

右㕮咀分作二服水煎空心服

按此升散之劑也

坐藥勝陰丹

三柰子

川烏頭

大椒

各半錢

柴胡

羌活

各二分

全蝎

三箇

蒜

七分

甘松

二分

破故紙

八分與蒜同煮

升麻

枯礬

各二分

麝香

少許

右為細末煉蜜丸如彈子大綿裏留系在外納丸藥

於陰戶內

按此劫藥也

灸法

氣海一穴在臍下一寸五分主月事不調帶下崩中因產惡露不止繞臍疼痛灸五壯

帶脈二穴在季脇下一寸八分陷者宛宛中灸七壯主婦人月水不調及閉不通赤白帶下氣轉運背引痛不可忍

血海二穴在膝臑上內廉白肉際二寸中治女子漏下
惡血月事不調逆氣腹脹灸三壯

陰谷二穴在膝內輔骨後大筋下小筋上按之應手屈
膝取之治婦人漏血不止腹脹滿不得息小便黃如
蠱膝如錐不得屈伸小腹引痛灸三壯

關元一穴在臍下四寸主婦人帶下瘕聚因產惡露不
止斷產下經冷可灸百壯

安胎之劑

金匱方當歸散妊娠宜常服之

當歸

黃芩

白芍

川芎

各一兩

白朮

半兩

右五味為末酒飲調服方寸匕日二次

按此方養血清熱之劑也瘦人血少有熱胎動不安
數曾半產者難產者皆宜服之以清其源而無後患
也

千金茯苓半夏湯治妊娠惡阻心悶吐逆頭眩四肢怠

情煩疼痰逆嘔吐惡寒自汗黃瘦

半夏

泡七次炒黃

茯苓

熟地黄

各三兩

橘紅

細辛

人參

芍藥

紫蘇

川芎

各二兩

苦梗

甘草

各半兩

右咬咀每四錢水煎空心服

局方參橘散治妊娠三月惡阻吐逆不食或心虛煩悶

橘皮

茯苓

各一兩

麥門冬

白朮

厚朴製

甘草炙各半兩

右㕮咀每四錢入薑竹茹煎一方加人參名竹茹湯
良方名人參橘皮湯

良方膠艾湯治妊娠或因頓仆胎動不安腰腹疼痛或
胎上搶心或去血腹痛

膠一斤炙

艾葉數莖

指迷方加秦艽

右二味以水五升煮取二升分三服

阿膠散

嚴氏方作膠艾湯

不問妊娠月數深淺或頓仆

或因毒藥胎動不安腰痛腹滿搶心短氣

熟地黃

艾葉

白芍

川芎

黃芪

阿膠

當歸

甘草

炙各一兩

右呔咀每四錢入薑棗煎金匱方無黃芪

佛手散治妊娘傷胎下血

當歸

三錢

川芎

二錢

右呔咀水煎食前服

安胎散治妊娠自高墜下或為重物所壓觸動胎氣腹痛下血胃虛嘔逆並宜服之

縮砂 不以多少炒過

右為末每二錢用酒調服艾鹽湯亦可

簡易方知母飲治妊娠心脾壅熱咽膈渴苦煩悶多驚

赤茯苓

黃芩

黃芪 各三兩 知母

麥門冬

甘草 各二兩

右㕮咀每四錢入桑白皮熟時再入竹瀝些小服

竹葉湯治妊娘心驚膽怯終日煩悶名曰子煩

白茯苓

四兩

防風

麥門冬

黃芩

各三兩

右㕮咀每四錢入竹葉五片水煎外臺方有竹瀝二合無葉一方有黃芩知母

拔萃方枳殼湯治胎漏下血或因事下血

枳殼

炒

黃芩

各半兩

白朮

一兩

右為末每一錢白湯調下宣明方無枳殼

二黃散治胎漏下血

生地黃 熟地黃

右為末煎白朮枳殼湯調下二錢或錢半

按良方論云婦人有子之後血畜以養胎矣豈可復能散動耶所以然者有娠而月信每至是亦未必因血盛也若謂榮經有風則經血喜動以其風勝則可此例可見胎漏之因非止一端也治者宜擴充焉

地黃當歸湯治胎痛

當歸

一兩

熟地黃

二兩

右為末每半兩水煎良方等分為末蜜丸名內補丸
許學士云大率婦人妊娠唯在抑陽助陰蓋此等藥
甚多然胎前藥唯惡羣隊若陰陽交錯別生他病唯
是枳殼散所以抑陽四物湯所以助陰故爾然枳殼
散差寒若單服之恐有胎寒腹痛之疾以內補丸佐
之則陽不至強陰不至弱陰陽調停有益胎嗣此前
人未嘗論及也愚詳陰陽調停不若不服為愈

全生方白朮散治妊娠面目虛浮肢體腫如水氣名曰子腫

白朮

一兩

生薑皮

大腹皮

陳皮

白茯苓

各半兩

右為末每二錢米飲調下指迷方有桑白皮無朮

李氏天仙藤散治妊娠自三月成胎之後兩足自脚面漸腫腿膝以來行步艱辛以至喘悶飲食不美狀似水氣至於脚指間有黃水出者名曰子氣

天仙藤

洗畧炒

香附子

炒

陳皮

甘草

烏藥

等分

右為末每服三錢水煎入薑三片木瓜三片紫蘇三
葉同煎空心食前服日三次腫消止藥

按此二方治證例相類故併錄之

嚴氏紫蘇飲治胎氣不和湊上心腹脹滿疼痛謂之子
懸

大腹皮

川芎

白芍

陳皮

蘇葉

當歸

各一兩

人參

甘草

各半兩

右呖咀每四錢入薑蔥煎

安榮散治妊娠小便澀少遂成淋澀名曰子淋

麥門冬

通草

滑石

各三錢

當歸

燈心

甘艸

各半兩

人參

細辛

各一兩

右為細末每二錢煎麥門冬湯調下

羚羊角散治妊娠中風頭項強直筋脉攣急言語蹇澀痰涎不利或時發搐不省人事名曰子癇

羚羊角

鎊

川獨活

酸棗仁

炒

五加皮

各半錢

薏苡仁

防風

當歸

川芎

茯神

杏仁

各四分

木香

甘草

各二分半

右咬咀每五錢入薑煎

八味丸治妊娠小便不通名曰轉胞亦治子淋

方見補虛門

丹溪參朮散治妊娠轉胞

四物湯加人參

白朮

半夏製

陳皮

甘草

右呷咀入生薑煎空心服

按丹溪曰轉胞之病胎婦之稟受弱者憂悶多者性
急躁者食味厚者庸或有之古方皆用滑利藥鮮有
應效因思胞不自轉為胎所壓展在一邊胞系了戾

不通耳胎若舉起居於其中胞系自疏水道自利然胎之墜下必有其由近吳宅寵人患此兩脈似瀦重則弦左稍和予曰此得之憂患瀦為血少氣多則胎氣弱而不能舉弦為有飲血少則胎弱氣多有飲中焦不清而隘則胞知所避而就下乃以已上藥與服隨以指探喉中吐出藥汁候少頃氣定又與之次早亦然至八貼安此法恐偶中耳後又治數人亦效未知果何如耶

仲景云婦人本肌肥盛頭舉自滿今反羸瘦頭舉中空胞系了戾亦多致此病但利小便則愈宜服腎氣丸以中有茯苓故也地黃為君功在補胞若頭舉等語其義未詳恐有能知之者

按已上安娠諸法皆氣血本病之藥故非辛熱苦寒之劑蓋產前當清熱養血也然有外感風寒內傷生冷以辛熱散之溫之大積大聚以藥衰其大半而止經曰婦人重身毒之何如岐伯曰有故無殞故無殞

也斯法亦不為本病之謂也故妊娠諸證例藥詳見
大全良方茲不備錄

束胎丸 第八箇月服之

黃芩

炒夏一兩春秋七錢半冬半兩

白朮 二兩

茯苓

七錢半 陳皮 三兩 忌火

右為末粥為丸桐子大每三四十九空心白湯下

達生散

又名束胎散

大腹皮

三錢

人參

陳皮

各半錢

白朮

白芍 各一錢

甘草

炙二錢

紫蘇葉莖

半錢

當歸尾

一錢

或加枳殼縮砂

右咬咀作一服入青蔥五葉黃楊腦七箇煎服於八九箇月服十數貼甚得力或夏加黃芩春加芎冬依正方或有別證以意消息

又方於第九箇月服

黃芩

怯弱人減半

白朮

一兩

滑石

枳殼

各七錢半

右為末粥丸如桐子大每服三十九空心熱湯下

按世俗婦室妊娠鮮有服束胎藥者蓋局方良方諸法未能以盡其妙用者多輒動娠故率不敢行然丹溪先生因製已上諸方以備世俗取擇實好生君子之一端也

滑胎易產藥

枳殼散治妊娠胎肥壅隘難產臨月服之

粉草

一兩炙

商州枳殼

二兩炒

右為細末百沸湯點二錢空心日三服

一方枳殼

六兩

甘草

一兩

一方有糯米半升淘控乾同炒為末

溫隱居加當歸木香各等分

又法張氏方治妊娠胎肥動止艱辛臨月服之縮胎易

產治氣寬膈

枳殼

五兩

甘草

一兩半

香附子

二兩炒

右為細末薑湯點服

神寢丸滑胎易產入月服之

通明乳香

半兩

枳殼

一兩

右為末煉蜜丸梧子大空心酒下三十丸

陸氏名寢生丸乳香只一分

保氣散安胎易產或居處失宜偶然頓仆胎動胎痛漏

胎下血兼服佛手散

香附子

四兩

山藥

二兩

縮砂

一兩

木香

四錢

粉草

一兩

益智仁

紫蘇

各半兩

右為細末白湯點二錢入月服之

益元散入月服之滑胎易產

方見前

產間藥

施氏催生如意散臨產腰疼方可服之

人參

乳香 各一錢末

辰砂 半錢

右三味一處研臨產急用雞清一箇調藥末再用生薑汁調冷服如橫生倒產即時端順而生

催生佛手散

方見前

嚴氏無憂散治胎肥氣逆或人瘦血少胎弱臨蓐難產者便產須知名保生無憂散

當歸

川芎

白芍 各一兩

枳殼

炒五錢

乳香 三錢

木香 一錢半

血餘灰

二錢

甘草

右為末每二錢水煎服

簡易集效黑散子催生兼治橫生逆產

百草霜

白芷末 等分

右和勻每二錢童便并好醋調稀更以沸湯調下

局方催生丹治產婦生理不順產有艱難或橫或逆並

宜治之

十二月兔腦髓

去皮膜研如泥

乳香

另研細如泥

母丁香

二錢半

麝香

另研五分半

右三味和勻以兔腦和丸如雞頭大陰乾油紙裏每一丸溫水下即產兒手中握出

良方催生乳香膏 名如神開骨膏 又名乳珠丹

一法滴乳為末猪心血為丸五月五日午時合

右如桐子大朱砂為衣每一粒面東酒吞下未下再服如胎乾者先與四物湯

秘方益母丸專治橫生逆產難產并安胎順氣神效

益母草五月採陰乾石臼搗為末煉蜜丸如彈子

大每一丸或二丸臨產以童便和溫酒送下氣不順木香參湯送下或作小丸吞服亦可

獨聖散

黃葵子炒七十粒

研爛酒服濟君急

若也臨危難產時

免得全家俱哭泣

小品療橫生倒產手足先出方

用粗針刺兒手足入二分許兒得痛驚轉即縮自當回順而生

一法鹽塗兒足底又可急搔爪之并以鹽摩產婦
腹上即產

機要半夏湯治胎衣不下或子死腹中或子衝上而昏
悶或血暴下及胎乾不能產者

半夏麴 一兩半

桂 七錢半

桃仁 三十箇炒

大黃 半兩

右為細末先服四物湯三兩次服此生薑同煎

良方治死胎不下其證產母舌青黑及胎上冷者子已

死或指甲青舌青脹悶甚者口中作屎臭先以平胃散一貼作兩服每服酒水各一盞同煎至一盞却投朴硝半兩研細再煎數沸溫服胎化血水而下

鹿角散治因熱病胎死腹中

鹿角屑 一兩

右水煎入葱白五莖豉半合丹溪云燒過治產後血暈

當歸湯治子死不下

川當歸

三兩

川芎

二兩

右為末水酒各半調下四錢末下再服

一方只用川芎末酒煎服

香桂散下死胎

麝香

半錢

桂心

三錢為末

右和勻只得一服溫酒調下

一方朴硝末

二錢

溫童便調下

必效方牛膝湯治胎衣不出腹臍堅脹急痛即殺人服

此胞即爛下死胎

牛膝

瞿麥

各四兩

當歸 三兩

通草

六兩

滑石

八兩

葵子

五兩

右切細以水九升煮取三升分三服

宣明硃砂散治胎死腹中不下

硃砂

研細

當歸

各一兩

右二味研極細只分作二服溫酒調下如重車行五里不下再服

局方至寶丹

見本方

花藥石散治胎死腹中及胎衣不下

花藥石 一斤 上色硫黃 四兩

右二味相拌勻煉製見良方

黑龍丹治產後一切血疾產難胎衣不下危急惡疾垂死者但灌得下無不全活

當歸

五靈脂

川芎

良薑

熟地黄

各一兩對以沙合盛赤石脂泥封紙筋鹽泥固濟炭火十斤煨令通赤去火候冷取開看成黑槽色取細研却入後藥

百草霜

五兩

硫黃

乳香

各一錢半

花藥石

琥珀

各一錢

右五味並細研與前藥再研如法修製和勻以米醋煮麪糊丸如彈子大每服一九炭火燒令通赤投於

生薑自然汁與童便入酒漉出控乾研細只此酒下一方取死胎用烏雞一隻去毛細切水煎三二升湯通手用衣帛蘸摩臍下胎自出

產後雜方

局方芎歸湯治產後去血過多暈煩不省

當歸

芎藭 等分

右以咀每半兩水煎服腹痛加桂名桂香散一名琥珀散治腹中痛急自汗頭眩少氣加羊肉名羊肉湯

黑神散治產後惡露不盡胎衣不下血氣攻心及腹痛

不止

黑豆

炒半升

熟地黄

當歸

肉桂

乾薑

甘草

白芍

蒲黃

各四兩

生地黄

局方良方俱無此味便產須知有之

右為末每二錢酒童便各半調服一名烏金散

按此手少陰足厥陰太陰陽明表裏血藥也立方大

意見前丹溪之論矣今人以為治產後百病率用之
故收入然用者自宜通變

人參當歸散治產後去血過多血虛則陰虛陰虛則內
熱心煩短氣自汗頭痛

熟地黄

人參

當歸

桂

麥門冬

各一兩

白芍

二兩炒

右㕮咀每五錢入竹葉生薑煎

當歸黃芪湯治產後失血多腰疼身熱自汗

當歸 三兩

黃芪 二兩

白芍 一兩半炒

右以咀每五錢入薑煎

失笑散治產後心腹絞痛欲死及兒枕痛

蒲黃 炒

五靈脂 各等分

右為末醋調二錢熬成膏湯化服之

一法治小兒枕痛各單服

經驗方三聖散治兒枕痛

當歸

桂

玄胡索

右等分為細末每服二錢熱酒或童便調下

嚴氏清魂散治產後血暈昏不知人更宜取漆器於床
前燒薰之頻置醋炭更服此藥

澤蘭葉

人參 各一兩
荊芥穗 四兩

甘草 炙八錢
川芎 二兩

右為末每二錢熱湯溫酒各半盞調下

抵聖湯治產後血氣傷於脾胃腹脇滿悶嘔逆惡心

赤芍

半夏

澤蘭葉

陳皮

人參 各二錢 甘草 炙一錢

右咬咀作一服入生薑煎

當歸羊肉湯治產後發熱自汗肢體疼痛名曰蓐勞

當歸

人參 各七錢 黃芪 一兩

生薑 半兩

右咬咀用羊肉一斤煮清汁五大盞去肉入前藥煎
四盞去粗作六服

良方茯苓散治產後心虛怔忡不定言語錯亂

人參

甘草

山藥

當歸

各一錢

生薑

遠志

茯苓

桂心

麥門冬

各半錢

大棗

右呖咀水煎

機要增損柴胡湯治產後經水適斷感於異證手足搏

搐咬牙昏冒

柴胡

八錢

黃芩

四錢半

人參

三錢

甘草

炒四錢

石膏

四錢

知母

三錢

黃芪

五錢

半夏

三錢

右為粗末每半兩入薑棗煎

血風湯治產諸風痿攣無力

秦艽

羌活

防風

白芷

川芎

芍藥

白朮

當歸

地黃

茯苓

半夏

黃芪

等分

右為末一半為丸煉蜜桐子大一半為散溫酒送下
五七十丸

愈風散治產後中風口噤牙關緊急手足瘳瘳如角弓

狀

荊芥穗

畧炒為末

右每三錢豆淋酒調下童便亦可一方加當歸

謹按產後多有血病神強癰癥而似中風者宜用此藥通血脈而清神或加當歸者為然非外因例藥也是以姑錄此一法義見後丹溪論

獨行散治產後血暈昏迷

五靈脂

炒

右為末水酒童便調下一二錢

當歸散治產後氣血俱虛無大補恐增客熱宜服此去

惡露

當歸

白芍

川芎

黃芩

各一兩

白朮

半兩

右為細末溫童便調下二錢

黃芪湯治產後汗不止因陰虛而得

黃芪

二錢

白朮

防風

熟地黃

牡蠣

煨

白茯苓

麥門冬

甘草

炙各半錢

右咬咀每半兩入棗煎

加減四物湯治產後陰虛發熱或日間明了暮則發熱
增寒

當歸

川芎

生地黄

柴胡

右等分每四五錢水煎

瑞竹堂方治產後血塊腹痛

京芎

炒

當歸

炒

熟地黄

白芍

炒各半兩

蒲黃

炒二分

右同為細末每服二錢空心溫酒調下

丹溪參朮膏治產後胞損成淋瀝證

人參

二錢半

白朮

二錢

桃仁

陳皮

各一錢

黃芪

一錢半

茯苓

一錢

甘草

炙半錢

右㕮咀水煎豬羊胞後入藥作一服

丹溪曰嘗見尿胞因收生不謹以致破損而得淋瀝
證有徐氏婦於壯年得此因思肌肉破傷在外者且
可補完胞雖在腹恐亦可治診其脈虛甚因悟曰難
產之人多是氣虛難產之後血氣尤虛因用峻補以
參朮膏煎以猪羊胞極飢時與之每劑用一兩至一
月而愈恐是氣血驟長其胞可完若稍遲緩恐難成
功

嚴氏赴痛散治產後血滯筋脈拘攣腰背強直遍身疼

痛

當歸

桂

白朮

牛膝

甘草

各三錢

黃芪

獨活

生薑

各半兩


右咬咀每半兩水煎

按此手足三陰藥出大陽例治表之劑也然惡露不盡絞痛不止宜良方芎歸湯散治裏之劑以大黃桃仁等藥下之血畜經絡成血塊宜沒藥丸以蠶虫水

蛭等藥逐之皆變法也茲不詳錄故已上諸方皆調理之劑餘有異證詳見大全良方

謹按產後血滯於經多成癰腫或有致不救者蓋氣血虛損逆之甚也大抵此兼陰虛火動凡辛溫之劑宜慎之矧產後用藥有三禁我丹溪先生謂產後如無惡阻當大補氣血雖有雜證以末治之如中風切不可作風治與小續命湯必先補氣血然後治痰當以左右手之脈分其氣血多少而治如發熱惡寒皆

是氣血左手脈不足用補血藥多於補氣藥右手脈
不足用補氣藥多於補血藥惡寒發熱腹痛者當去
惡血以求通變之意也



玉機微義卷四十九